



Broj: PD-84/24

Sarajevo, 17. 7. 2024.

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
N/R PREDSJEDAVALAČEM DOMA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.07.2024

Organizaciona jedinica	Klasifikaciona oznaka	Redni broj	Broj priloga
01-PD-1		1391	04

PREDMET: Poslaničko pitanje u pisanoj formi

Na osnovu člana 170. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15, 97/15, 78/19, 26/20, 53/22), postavljam poslaničko pitanje u pisanoj formi Ministarstvu vanjske trgovine i ekonomskih odnosa Bosne i Hercegovine koje glasi:

„ Da li su vlasti Republike Hrvatske u ranijim postupcima izdavanja odobrenja za građenje za malu hidroelektranu na Vrelu Une, na bilo koji način informirali ili uključili u postupak nadležne institucije Bosne i Hercegovine, konkretno Ministarstvo vanjske trgovine i ekonomskih odnosa Bosne i Hercegovine, budući da takva aktivnost može imati negativne prekogranične efekte, te ugroziti hidrologiju gornjeg toka rijeke Une, okoliš, kao i endemična staništa biljnog i životinjskog svijeta?“

Prije šest dana mediji u Republici Hrvatskoj, ali i neki regionalni portali, objavili su vijest da je kod Vrela Une, odnosno na izvorištu rijeke Une, započela izgradnja male hidroelektrane.

Zbog izgradnje hidroelektrane u ovom zaštićenom biseru prirode pobunili su se mještani Donje Suvaje, naseljenog mjesta u općini Gračac, u Republici Hrvatskoj, a koji su zbog izvođenja radova ostali bez vode za piće.

Čuvari prirode iz Javne ustanove Natura Jadera koja upravlja ekološkom mrežom Natura 2000 na području zadarske županije navode da investitor nema rješenje o ocjeni prihvatljivosti zahvata u ekološkoj mreži.

Kako se izgradnja male hidroelektrane vrši na izvorištu rijeke Une i u neposrednoj blizini međudržavne granice Republike Hrvatske i Bosne i Hercegovine, to predmetni zahvat može imati utjecaj na hidrologiju gornjeg toka rijeke Une, a koji je zaštićeno područje u okviru Nacionalnog parka Una.

U području Nacionalnog parka Una nisu dopušteni zahvati i obavljanje djelatnosti u opsegu i na način koji bi mogao ugroziti ciljeve osnivanja Nacionalnog parka Una ili nepovoljno utjecati na prirodne vrijednosti u takvoj mjeri da bi se značajno promijenile one karakteristike koje su značajne za njihovo očuvanje, biološku raznolikost i pejzažnu vrijednost.

S tim u vezi molim vas da hitno odgovorite na postavljeno pitanje, te poduzmete radnje iz nadležnosti Ministarstva radi pribavljanja svih informacija o predmetnom zahvatu i uvida u dokumentaciju na osnovu koje je izdana građevinska dozvola za predmetni zahvat koji može imati negativne prekogranične efekte na hidrologiju gornjeg toka rijeke Une i ugroziti ciljeve osnivanja Nacionalnog parka Una.

S poštovanjem,

POSLANIK U
PREDSTAVNIČKOM DOMU

Jasmin Emrić

Dostavljeno:

1. Naslovu,
2. a/a.